





清源文獻卷之二

明 郡人前靖江教諭何 炯纂  
知泉州府事新安程朝京選刻

詩 四言古

明大雅

明傳檄

傳公故稱崇博著作甚富第苦節操狂以存  
孝故言多度隱讀者會其意而仰其人可也

維漭漭之間孰渾孰淪其上九穹兮其下壤泉其有

維何是輿是權其有維何是戶是輪 維上穹之心

兮於穆不渾權輿則有戶輪二端為陽為陰為暑為

寒維上穹之心兮眡之惇惇 維穹在上覆冒無垠



其間廓廓四方巡巡下土隆隆百彙紛紛維穹是尸  
蓋毛而曷倫 維物在下兮一塵一埃一毛一支一  
蟠一鈎一吹一填以一而分蓋穹心不僭以尸下氓  
維穹在上兮其道匪偏乃鑪乃錘乃埴乃埏匪夸  
匪竄匪漫匪愆其誰尸之維穹使旃 維物在下兮  
導導倫倫其一曰物其二曰癩維穹在上訓之申申  
察之昭昭其道大環 乃物曰氓謂生自溷謂有為  
無謂癩為人乃侮穹之權乃干二端既為鬼為域又  
罔以詮 乃鬼乃域兮乃泯穹之間閣之二層謂穹  
可瞞其下之層漲隔混混蓋其上之層穹心猶存

穹曰噫若人兮人膈可捫上穹之大匪人膈可捫人  
賊可暗穹眡匪可暗且有蜻之心大鈞固然 穹曰  
噫若人兮人心匪泯男匪可為婦跖匪可為顏枉匪  
可為直澤匪可為尊矧上穹之心固匪可渾 穹曰  
噫若人兮有中國孰尊自明有 祖迨 孝室  
有孫其中於斯 九廟可觀維穹之心於斯傳兮  
穹曰噫若人兮孰蓋軫於還維 孝宗子嘉君  
之純乃穹之心於托自君維上自穹自本自原 維  
穹由誕中興之原維君承之道之祐壇乃穹是勅乃  
廟是憲既曹憲之四方由憲之 憲曰今茲之官殫



其風其刊上端由若二層其湔以對其穹以縫以贊  
維穹勅之道其存旃 曰自有國典禮其曰有庸有  
敦兮今茲其官其訓其印其版其理其品其釐其言  
不維其初維憲其存旃 維上穹惇惇維君諄諄維  
斯道綿綿維詩書嘽嘽曰是在類只則所職匪文臣  
檄述詩以告今人

九穹十六章章八句

於蓋天兮極尊由名有儼承明匪天孰徵兮於蓋天  
兮極大由名有儼承明匪天孰明兮 維尊之道孰

量孰稱庶物斯微孰遁其形彼物而妖維畏天中兮

物而青維畏承明兮 曰八方上下孰道孰轉上

下八方孰禮樂由出承明之戶是則北極有儼其居

維正其北 曰流五常上樞孰轄綦布八方尊卑孰

括維大靡數維尊靡柅尊其父母幹維庶物 維居

上帝匪可測兮維道承與匪可斥兮維戶關軸匪可

眇兮維制大號匪可還兮 維北其正維物是則古

曰風始亶維禮極如矩而方如繩而直如截而嚴如

畫而一 曰維極北八方權衡烜以大火動以迅霆

乃物是治乃還是刑曰燥曰寒曰陽曰冰 有治有

刑維匪禮樂有權有衡維匪極北凝治之大肆妖至

刑維匪禮樂有權有衡維匪極北凝治之大肆妖至



則伏厥權之極妖所自沒 既庶吏不治或參或差  
帝居是詰曰治以禮乃申以命其北南兮俾之  
直指其東西兮其北時孛其南時熒其西時狗其東  
時槍詰之三年吏由是青 帝居曰吁弼維刑兮  
禮雖小大明堂維綱不聞周官率拜大方法維三  
千維父母是降不聞周官是訓四方 曰維禮兮各  
正其居曰維刑兮怙終是阻曰五常兮不若其初乃  
四方兮無惑無忤 曰尊匪天維 帝是制維  
帝是命匪維禮治其以世兮其命無數無四吏是  
聽敢慌其職

於蓋天十三章章八句

屏居詩

明黃潤

攬簪歸來屏居守拙釣水採山邈與世絕詩書長披  
筆鞞屢設荆扉晝閑車騎跡滅寤寐昔賢企齊遺烈  
靜閱世趨悲憤中結白雲飄浮祗堪自悅

哀淞詩

六章

明黃潤

維昔之淞家書戶禮登巍仕撫文物濟濟 維昔之  
淞女織男耕賦甲天下言輸于京 我之牧矣質魯  
才碌黽勉從事慙于尸祿希蹤循良寧事擊搏瘁心  
撫字刑清斂薄 我之離矣外艱孔悲曰耄曰倪百



里胥追臨岐，汨零余亦涕洟。迨至于今，民尚我思。  
于今之淞，倭寇橫縱百千，其群聚虺屯蜂室，廬焚燬。  
滿望蒿藜，浪淘三泖，氛迷九峯，吁嗟淞地之殘，兮痛。  
摧余之肝兮。于今之淞，戎馬交馳，骨肉胥失，妃匹。  
生離女廢，厥績農喪，厥犂崩奔，顛蹶恐此寒飢，吁嗟。  
淞民之傷，兮痛割余之腸兮。

蔡白石乞得留都詩以送之

四章

明李愷

彼雪霏霏，彼風之厲，冀馬北鳴，吳歛南繫，彼其之子。  
糗之以蘭蕙，彼草如苗，彼日之暄，桂舟春水，楊柳。  
南川，彼其之子，扈之以薜荔，秣陵建邦，自彼古昔。

金阜之蟠，大江為澤，龍劍雲飛，烏衣日夕，寓興三。  
忘筌五石，景毫有命，自我先王，廼立宗廟，廼飾冠。  
裳，周言豐鎬，被以詩章，鳳鳴于岡，維皇有光。

贈兵憲陳午山二章

明李愷

烈烈修景，悠悠潞汭，薰風飄舟，云胡濡滯，瞻茲神都。  
懷予昆弟，國步斯艱，靡郊多翳，誰徹桑土，防茲既濟。  
老夫洸洸，小子泄泄，山有豺虎，薄言射之，晚有蘭。  
蕙，薄言奠之人，亦有言行道，不斲君子，直躬胡不濟。  
時湯湯流水，胡不相知，與爾同急，言授斯詩。

自滕之鄒望孟廟作四章

明黃克晦



苑彼杞柳生于道周我出滕國言邁于鄒大道平平  
既直且修豈敢怠思君子所由我出滕國言策其  
馬春日舒舒爰適于野于野于郊有比其舍豈不我  
要遑舍其下我策我馬匪騏匪驎芻之秣之秣于  
河濱日將夕矣道遠莫臻中心其悲莫以告人魏  
魏鄒阜翼翼其宇我行不休爰至其所爰至其所式  
歌且舞宵止于鄒明發于魯

念母詩 六章

明何茂先

載瞻流水有源不已有源不已我身何始 載瞻高  
木有本乃秀有本乃秀我身何佑 我形未續我身  
孳育相彼羊矣猶知跪足矧伊人矣不念母之鞠  
我身未行我母懷負相彼烏矣猶知反哺矧伊人矣  
不念母之報 庭中有木其聲瑟瑟胡不靜斯風也  
來激兒失其母終養不得心之憂只其何能息 庭  
中有木其聲颼颼胡不靜斯風也來號母棄其子終  
養何要心之哀只其何能聊

詩 五言古

寓興

唐歐陽詹

桃李有奇質樗櫟無妙姿皆承慶雲沃一種春風吹  
美惡苟同歸喧囂徒爾為相將任玄造聊醉手中卮



晨裝行

唐歐陽詹

村店月西入山枝鴨鵝聲求燈徹夜席束囊事晨征  
寂寂人尚眠悠悠天未明豈無偃息心所務前有程

初發太原途中寄所思

唐歐陽詹

驅車覺漸遠回頭長路塵高城已不見况復城中人  
去意尚未甘居情諒尤辛萬里東北晉千里西南秦  
一履不出門一車無停輪流萍與匏繫早晚期相親

高城已不見况復城中人此古樂府體也黃璞有太原函髻之謗謂公悅一妓卒以此殞身好事者喜傳之不信韓退之李習之李貽孫三公而璞何哉

翫月詩 并序

唐歐陽詹

月可翫翫月古也謝賦鮑詩睡之庭前亮之樓中

翫也貞元十二年甌閩君子陳可封遊在秦寓平水

崇里華陽觀予與鄉人安陽邵楚萇濟南林蘊潁川

陳詡亦旅長安秋八月十五日夜詣陳之居修厥翫

事月之為翫冬則繁霜太寒夏則蒸雲太熱雲蔽月

霜侵人蔽與侵俱害乎翫秋之於時後夏先冬八月

於秋季始孟終十五於夜又月之中稽於天道則寒

暑均取於月數則蟾兔圓况埃壒不流大空悠悠嬋

娟徘徊桂華上浮昇東林入西樓肌骨與之踈涼神

氣與之清冷四君子悅而相謂曰斯古人所以為翫



也既得古人所翫之意宜襲古人所翫之作詩云  
八月三五夕舊嘉蟾兔光斯從古人好共下今宵堂  
素魄皎孤凝芳輝紛四揚徘徊林上頭泛灑天中央  
皓露助流華輕颺佐浮涼清冷到肌骨潔白盈衣裳  
惜此若宜翫攬之非可將含情顧廣庭願勿沉西方  
蜀中將歸留辭韋相公  
唐歐陽詹

寧體即雲構方前恒玉食貧居豈及此要欲懷歸憶  
在夢關山遠如流歲華逼明晨首鄉路迢遞孤飛翼  
詠德上韋檢察  
唐歐陽詹  
少華類太室似小室亞相與丞相亦復無異質

事如月臨水肅如松照日輝影互光澄陰森兩旁  
連枝鸞鳳下同氣龜龍出併力單夷心通籌整師律  
美豪顏回席蠻貊皆屈膝中外佇分途寰瀛待清謚

徐十八晦落第

公素奇徐才後徐為福建觀察使語及公必流涕

唐歐陽詹

嘉穀不夏熟大器當晚成徐生異凡鳥安得非時鳴  
汲汲有攸為驅驅無本情懿哉蒼梧鳳終見排雲征  
復留侯從効問南渡劉君儼改名龔字音義

五代詹敦仁

伏羲初畫卦蒼氏乃製字點畫有偏旁陰陽貴協比



清江文獻 卷之二  
古者不嫌名周人始稱諱始諱猶未酷後習轉多忌  
或援他代易或變文迴避濫觴久滋蔓傷心日益熾  
孫休命子名吳國尊王意羣商靈粟僻齏显窳樊異  
梁復踵已非時亦迹舊事絕杰自其一蜀闖是其二  
鄙哉仇督名陋矣越齷義大唐有天下武后擁神器  
私制迄無取古音實相類率慮回罔星慮思厓而峯  
缶罔及罌嵐作史難詳備唐祚值傾危劉龔懷僭偽  
吁嗟毒蛟輩睥睨飛龍位龔儼雖同音形體殊乖致  
廢學愧未弘來問辱不棄竒字難雄博搗文伏韓智  
罔誦鄙所聞敢布諸下吏

柳堤詩 并序

五代詹敦仁

夫柳之性斷根插地遂有生意越一二年而籠晴蔽  
陰矣予不知天地生物之心且得以為負耒息耕之  
便焉况是木剛之則枝葉倍長剪之則芽蘖滋多又  
得以供火爨之用焉時方春也綠染方勻柔絲裊風  
飛毬悠揚遠近嘆人生之聚散宜閑居而自適也於  
是秉耒就耕書橫牛角鋤且帶經或偃息乎繁陰之  
下開卷自得悠然而樂雖盛夏溽暑白扇可置風袂  
自快則是柳之繁茂不謂無庇物之効也俄而涼颼



清源文獻 卷之三  
颯至一葉驚秋露滴疎枝月篩淡影放出千巖霽色  
靜籠數頃黃雲覺歲月以驚心嘆年華之暗度雨雪  
飄飄未春而絮青山改色覺老其容既當收斂暇餘  
迺且呼童削其繁冗伐其朽蠹夫插柳之効予既兩  
資其利泚筆綴字以示後人使知予插柳之意不為  
徒耳仍記之以詩曰

種稻三十頃插柳百餘株稻可供飢粥柳可爨庖厨  
息耒柳陰下讀書稻田隅以樂堯舜道同是耕莘夫

倣杜牧之示阿宣詩

宋曾公亮

嬾女出門去錦繡為肝腸

澄虛閣

宋王獻臣

此地留仙竈仙人去何早一粒藥初成室山絕靈草  
竈旁五色土令人百病好况復餌丹人朱顏幾時老

讀書

宋傅堯俞

吾屋雖喧卑頗不甚益穢置席屋中間坐卧群書內  
橫風吹急雨入屋洒我背展卷殊未知心與昔人會  
有客自外來咲我苦癡昧且問何為爾我初尚不對  
強我不得已起答客亦退聊復得此心沾濕安足悔

無名木

宋傅伯成

堂下有竒木靈根植何時非無棟梁用所歎識者稀



匠石不可待山中聊自怡

法石山懷碧桃道人

宋趙必昇

甘霖下焦土漸漬苦不濡城中遊俠兒不識有旱枯  
初晴走北山雜還還仙都車徒視豐約蟻陣綠崎嶇  
唯我獨南行尋烟走平蕪碧桃弔詩仙彷彿聞嗟吁  
高臺化平陸曲池已填汙誰收玉女盆不見道士湖  
山雨斷昔溜怡雲無寸膚風踈瓊林樹水暗滄洲蒲  
懸泉亦壯哉欲飲不可斟摧殘火晶屏綠滑春苔鋪  
精籃有西意遺構空山隅層巔極目字結畫清可模  
手茲集童冠詠舞如風雩松陰藉草坐高談遡唐虞

遠溪合雙流百里相縈紆青山出萬尖四面環閨闈  
吾想翁在日長嘯嗔雙臚氣槩吞宇宙忘形混樵蘇  
客來典衣醉樂極歌烏烏今觀舊遊地樂極猿猴呼  
空有山數崦僅留宅一區想當涼月夜幻境為蓬壺  
成虧所不計乳酒充歡娛緬懷甲申歲曾寫桃川圖  
長篇記其後主人喜胡盧持以誇坐客寶玦青珊瑚  
回首三十載蒿臺瘞群儒死者日以遠存者還桑榆  
餘情不可釋欲去空踟躕黃昏北遊者車馬填通衢  
所樂隨所適去取無巧愚

武夷山

元林泉生



千山來武夷勢若群龍趨崢嶸入霄漢一一飛躍如  
右城開樓臺神仙之所居高巖掛鐘鼓幽壑藏舟車  
一水九曲折烟霞共縈紆昂昂大王峰回顧雙玉姝  
變態千萬狀迥與人境殊我行入幽深涼雲襲衣裾  
王事有程期未能盡崎嶇瞻望不忍去為之少躊躇  
青鸞竟何在落日啼猩鼯鬼工鑿靈嶂想在天地初  
不知百粵前誰其宅此都魏王何代人髑髏至今枯  
精神在青天此物蟬蛻餘還丹九轉就身外復有軀  
雞犬舐丹鼎尚能遊太虛虹橋宴曾孫何不與之俱  
邇來二千年誰使恩義踈駝羨不見遺無人薦乾魚

聖餘煉丹鼎寒烟覆青蕪當時燒白石黃金滿洪爐  
黃金果何用亦為僊所需安期不可見此事知有無  
吾將塞東茅來依紫陽廬青鱗既可釣枸杞亦可蔬  
遨遊青山間心朗氣亦舒時從二三老野服歌唐虞  
袂仙果有之不就世人呼長生如可求吾當受其書

述懷

元陳旅

雨過中夜涼殘月在林麓有懷不能寐起步松徑曲  
百川日東注何以洗流俗長河在天上手短不可掬

詠史

元釋大圭

敦弓鼓明月決拾生清風一發期必中大射師友同



學成遂專巧教者初無功其心既殺拜天下惟一蒙  
含戴亦齒髮位置三才中如何懷此逆天地或爾容  
嚙齧果有術肆毒應無泛蚩蚩一為鑒維以保令終

定公生焚詩 并序

元釋大圭

吾釋氏者定世古昆吾人客漳久之僞居開元寺業  
白以老至元四年秋峒賊來攻城甚急漳人莫知所  
出定密而祝曰使城不陷賊吾當火吾身以答已而  
果然越六季夏遂系薪為龕室西郊行與衆訣衆留  
之不可乃自燔其間其火之始張也人視之泰然無  
毫髮惴惴色郡人咸大駭異請即其地作塔廟以祠

於乎定以誓故生而自焚宜若得罪於名教者然  
夫食人之食而見危不能致命立人之朝臨大節而  
變者不亦遠乎哉况定之心以一身全一城之死靡  
喻亦宜若無得罪於名教者也抑吾聞之定老出世  
學其成就豈此哉人殆見其膚耳定之詳予實得之  
靈源上人源與之同居又將經始其祠者且請予為  
之詩曰

羣兇白日至梯衝舞嚴城疇能身獨死而俾城不傾  
定公出茲誓金石開精誠未幾來訊醜復見溝壘清  
前言儻云食吾將負神明積薪自厝火怡然就無生



何意金石軀倏忽煨燼成顧此乃餘事足為流俗驚  
塔廟遂翼翼鐘鼓初噲噲為國効死節最哉爾簪纓

游龜山

元釋大圭

六月念六日同趙生鄭生許氏兄弟游龜山山有大  
石下有遺址相傳歐陽詹讀書于此因造馬相與懷  
慨賦詩分韻得魚字

閒情素乖俗樂彼中林居林居未云果幽賞意有餘  
出郭青山多佳木亦扶踈並遊得良友方駕泛所如  
翠微薄炎景蘿風汎涼裾雲逕步窈窕石門入清虛  
少留席豐草綠縹緜以舒襲祠翳鳴鳥石澗清有魚  
形神一蕭散疲勩亦已祛黃綠龜巖東遂即歐陽詹  
懷賢仰高躅撫蹟驚廢墟願留石中室畢誦人間書  
茲焉恐遲暮眷眷空疇曙

造唐山人居

元釋大圭

行行野田盡荒蹊入秋水何人有新屋鬱鬱松林裡  
欣然造其門晤言乃君子解衣坐微涼超遙適閑美  
日澹踈雨晴山色散窓几石上聞鳥鳴林端見雲起  
平生事外心即此胡不喜少暇同飲泉幽期自今始

次韻王季鴻游九日山

元釋大圭

季鴻王君携友游九日山過姜相墓感秦隱君能為



卜葬事不暴於世弔以詩余未識其人愛其詩亦次其韻

有客車馬同新秋在雲巘幽尋意方愜周覽涕欲泫  
碧草滿地生白石抱空轉下有丞相墳柰此牛羊踐  
隱君昔深遯芳木足幽蹇維時諒多艱此地懃重趼  
日長聃書盡歲暮越山遠初月聞嘯歌歸雲同息偃  
鶴足喜松高魚心畏池淺有懷莫與同尚古一何緬  
姜公寔英材悟主片言善位及台鼎崇職與諫垣選  
骨鯁方左遷時運蓋多舛澹泊兩相求綢繆永云展  
吁嗟日南英梁棟先摧翦微爾收白骨當時委蒼蘚

逸事傳海陬史氏闕光顯千載有若人游歌始相與  
往古漂高蹤來今戒駑蹇友道日以媮殷勤何由遣

臺上晚涼未去

元釋大圭

高臺日將暮風涼未歸客長歌林木秋微靄山光寂  
素友適心期幽賞忘物役殷勤松間月照我歸途白

古交行

明林城

古人重五倫朋友居一端平時相麗澤有過相周旋  
情或淡江海意常逾金蘭今世倫理薄友道尤缺利  
飲食聚首時握手出肺肝高談雜正理終日笑且喧  
利害若毫芒倏忽起波瀾翻手作雲雨背面生炎寒



久敬已寂寥世講成空言寄語洛社英燕集留餘歡  
古意  
明黃河清

流螢渡珠簾秋夜長無極為郎製羅衣淚痕多如織  
桃花紅復紅江水深復深花紅強似面水深不如心

次吳朴齋

明黃鉞

客路逢秋風扁舟况晚發水落見丹崖雁聲天宇濶  
款乃鳴橈聲宿鳥驚林樾推枕起無言獨對江心月

三鴈二首

明史于光

三鴈澤中起衝風南北飛願言天際合羽翰復相依  
三鴈澤中起飛迷各一方何時能復聚飲啄蘆花傍

孟秋

明黃潤

玉衡指孟秋堦前鳴促織光陰良易邁驥覺老來迫  
四十道未聞眷言心孔盡空死讀書螢矻矻事鞿飾  
持此將安之徒取譏有識迷途幸未遐周道矢焉直  
千里雖云遙終當勵餘力

嘉靖大禮詩四首

明王慎中

郊工頌成也

上親定南北郊之祀乃於國陽建南郊皇皇乎一代  
之盛觀王者之大制也作頌成二首  
於辟翼承序祗德鑒昊蒼觀文釐元命造哲煥令章



諍臣秉周禮納議光文昌經始揆皇覽測臬即靈壤  
巍基摩地軸層構羅天網營陵三竒積疏陞四維張  
象形以初規效運故乘陽躩踞白虎守蚴蟻青龍翔  
宅嶽旣萃萃偵河亦湯湯縣圃激神嶽蓬壺峙中央  
啓度非近筭祖烈亦有光道存義軒始典迪夷龍襄  
維新弘有謚作固亘無疆康哉宜有詠聖謨始我  
皇

運開信景鑠符臻鋪洪勲重役不日成功資神理存  
周畿儉千里茲土直離分無間控東戶河菑浸南垣  
星辰上任仡日月旁薄噴中天鬱嶽立遙望似雲屯

滌室承東序營輿敞以溫改革鎔綺繡弘敷郁鴻鈞  
晶晶列踈櫺將將伉高門勾陳翼紫宮廣袤緹周垣  
清徵集陽宅神居軼埃氛瓌璋增殊觀昭揭音徽文  
恒濤鞏靈構萬祀永無淪烜烜作者聖率土奉大君

習儀 異典也

南郊工就冬至四日

上親動玉輅習郊禮于壇

上威儀卒度周折咸中小臣泛觀其美作異典  
芝壇歛浮景休氣郁昭清晨旭流翠葆泰風颺華旌  
飛龍麗重霄綈綏在天庭式禮紆皇步篤恭軫聖情  
几几礪承寫亭亭雲耀紘秉離臨日鑒乘乾健天行



升崇儼帝對納陛揚凌兢周折並圓方興俛以屏營  
萬舞羅臯帳廣樂敷咸莖度以哲罔忒文用道自弘  
卒事秩無僞百辟具維刑疊疊不顯德千載揚徽稱

園丘 肇祀也

長至日 上御法駕臨于齋宮至期舉大祀焉聖  
容穆穆天神來格於與休哉作肇祀

天閭直夜啓大輅下嶢嶢繁星燦芝蓋劔佩一何烙  
前旌龍虎會後御鸞鳳交城人淵伐鼓砰鎗殷鏞鞀  
珠黃煥紫幄玉英流長旂玄冥承靈蹕百祗欣來朝  
川后供明水壁壘司庭燎園壇槩上當太乙光招搖

百辟會有繹芾舄萃門臯穆穆天子德欽欽  
禮成百代始律動三辰昭云亭陋前觀虞柴茲晨紹

西山詩

明王慎中

良辰戾首夏肅軫遊西山山形何岑崒洲渚亘相綿  
奔湍既下赴危峰亦上干訝訝石洞窈迤邐飛梁懸  
朱葩晞暘谷翠羽蔭陰巒閔室象霞構䟽薨憑風蹇  
抗宇凌層基列檻俯流泉好鳥揚幽音弱蕖濯清漣  
豈惟耽遠遊因茲達大觀拾乳厯窳竅擷芳凌嶺岼  
溇溇出礧淙靄靄冒隴烟水碧間青藻靈飈茁瑤管  
履險神彌豁入幽情更延隱巖懷子真蹈海期仲連



遺形九州外，栖迹萬象顛。崇深惟素秉，神理迷真詮。  
遊心迓冲漠，斯道庶不諼。

麻姑山詩

明王慎中

雲出本無心，擇棲多竒巘。類予慕真勝，涉趣不知遠。  
初緣碧澗行，幾傍丹崖轉。林追去虎踪，磴躡飛猿踐。  
泉流透淺深，巘谷變陰顯。瀆瀑遇留憇，石牀時仰偃。  
桂芳洞裏秋霞映，山中晚探異尋。前期入幽忘，後反  
神遊力不惰。理愜情俱遣，天路如可梯。欲以微官免。

宿靈源禪院

明王慎中

拘拘有妾身，一一不能捨。形骸自束縛，日使道心寡。

偶同片雲閒，得此憇蘭若。竒峰千萬疊，一派飛泉瀉。  
颯颯天風來，松聲如雨下。冥濛衾幃深，烟靄翠盈把。  
不滅慧燈懸，照茲四體假。始知房闥卧，息偃類奔馬。  
誓欲托名山，於焉拔靜者。荒茅便可芟，無為俟聊且。  
洪芳洲養病山中，惠訪草堂因而留館。

明王慎中

裊裊桂樹枝，涼風日將變。生色難久留，華光苦流轉。  
夫君如不來，胡以慰偃蹇。今夕良何夕，悠然適我顛。  
片雲本在山，出岫亦游衍。吾園雖蕪沒，物意皆踈遠。  
以茲城郭深，豈必山林善。開軒散煩促，憑檻息步踐。



新颺起草頭白月浮池面蕭閒秋正初徙倚夜方半  
君自所好殊疵吝何足眷

侯民部靜溪招遊甘棠湖陪憲使管復齋諸公

明王慎中

積雨夏陰生瀰漫湖水遍悔為一室拘幸奉方舟宴  
遠嶼微出江雜芳正盈旬沿流始泝洄逗浦更遊衍  
樹色逐橈迴波容隨望變放情魚鳥閒景曷不知晏  
雲氣輕嘉體蘭觴易酬獻一杯已可歡况以偶時彥

酬周雲川太守見寄王鳳洲之作

明莊一俊

鳳洲歸故鄉翩翩誰與翔一朝生羽翼五采空文章  
仰視天門遠俯臨滄海長予亦懷人者因之倍感傷

謁邯鄲黃梁廟

明徐榮

仙翁卧石床塵債令繞了一夢入虛清四時無夕曉  
幽蹤隨渺鶴春事付啼鳥我欲與之俱應看天地小

昌平道中

明康朗

塵俗相拘迫日夕不遑息暫輟簿書勞山間事行役  
驅車出北郊晴烟委園陌松梢露漸稀草際霜已白  
初與市塵違忽見山如積明月含半峰流水時瀝瀝  
良似故山中眷言素所適遊子未能歸懷哉安可獲



登土木城有序

明周天佐

已已之變議者云使獨石馬營不棄則王師何以陷  
土木逮予登土木城得野老之言謂當時有不記名  
弄權太監乃胡種初為虜誘駕至土木時宣府楊總  
兵領三千騎護駕虜人終不敢近廼詐旨使楊總兵  
歸守本鎮虜遂入驅至此六師遂覆云不復及馬營  
事者予意野老傳聞必自有見痛恨而述之  
傷心度雞鳴含淚此登城西望十里原白日黯冥冥  
豈乏謀臣者如何勤遠征野老向余前欲說已吞聲  
羯奴原無賴宣鎮散歸兵六師臨長道虜騎遂橫行

一戰遺白骨黃塵十里驚愴惻將百載徒憐棄馬營

遇邊民徙鎮城外

明周天佐

塞外去茫茫黃塵浩浩行見此邊民扶携幼與老  
落日關山昏望望不在堡莫知爾所適何事勞遠道  
管歲任東川天驕常牧草改築依羊河飲馬胡兵搗  
逃竄年復年數口幸相保聞道鎮城中將軍命獨好  
遠徙誠亦勞猶勝塗肝腦予聞氣滿胸直欲叫蒼昊  
長恨漢飛將出兵苦不早

雲州道中

明周天佐

驅馬雲州道逢人塞外歸借問何為者逃虜相因依



憶昔七月中割禾南山陂胡來將我去一去歷三時  
晝牧多辛苦夜逃寒且饑自云各有家未識存者誰  
百愴勿復道得生且來歸

過田家

明周天佐

五月過田家割麥方暮歸徵租公府吏督責喧荆扉  
舍擔營雞黍向吏語依依非敢後官稅命乖田事微  
晚場獲無穀婦織不上機此月幸有麥欲救眼前饑  
送吏行出門莫知是與非千村多飽吏不見一農肥  
行行過村去嘆息淚滿衣

感閭左代送閭左

明周天佐

爾先非有籍及爾亦何辜托處偶在左夜徵北備胡  
倉皇指親愛逼迫去犁鋤萬里一朝別奈何此共閭  
曾聞長城下白骨成丘墟何日得歸來過門便相呼  
家事違已復作遠遊秒秋還茅谷乘船下歸金  
谿對景感悵有懷王遵巖蔡可泉

明黃淑清

早發茅谷口秋波放船便靜陰諧鳥聲微雨碎溪面  
耳目既為娛心情聊自宴如何持一杯二子不相見

送黃明齋歸姑蘇

明洪朝選

往歲禪林居逢君同棲止予抱子興疾君洗巢父耳



同賦招隱吟肯効彈冠喜嗟予學不就冠帶束疲苾  
黽勉江東行意君雲霧裡胡為塵土間逢子亦在市  
髭髮半霜根垢衣露散臬良久開口談始憶君名氏  
君有博古才五車在牙齒上精蒼頡書下綜姬公禮  
義書卦之初機經兵所起星書甘石文地志神禹紀  
探詣各窮源名狀何切理遂令侯貴間傳客播芳美  
頗似驚座陳還如使氣禰忽驚風露零頓使家園邇  
去來本無心別離亦候爾夫椒山窈深五湖水清泚  
請君具扁舟高卧從此始

罵蚊篇

戒貪也

明沈亨

汝嘴利鏗刺營營吮肌血吮之未盈腹亂嘴長  
咬痛將拍滅飛騰疾如驢黠蠢茲小蟲令我腸中熟  
擾擾黃昏候燈火時明滅相呼恰成群箇箇皆欣悅  
侵夜逐羅帷乘隙肆亮桀苦楚不可當起來放手擊  
生者幸脫去死者微軀絕雖生幸脫去能保不磨滅

詠蚊篇

戒惰也

明沈亨

湖州二月天列門採桑女夾河岸上行斂袂抱筐筥  
問之欲何為柔蠶饑欲茹遠條擷東丘弱葉摘西野  
去去飼之食小大俱得兩異時績繭畢采采曜春日  
村之染人局就此奇妙質蹴踏機杼聲炫爛故無匹



紬絹各成行綾羅自充實製以為衣裳長庇百萬室  
秋霜下嚴威肌骨生慄慄取以被諸躬寒風驅去疾  
縉紳滿皇都垂綃常過膝貢之天子庭龍衮居第一  
誰說養蠶苦柔蠶不虛食散作萬家春窮厓生煖色  
於人亦宜然素飽廢天職生世一閒身反不如蠶績  
不能如蠶績空令人嘆息

讀莊子而約其詞四首

明何炯

老讀莊子書真可祛俗累本言死為樂却是衛生地  
人能外生死大小亦何事泰山等秋毫殤彭齊一豉  
庖丁解全牛疇曙滿其志善哉文惠君知是養生書  
讀逍遙遊鷗鵬等鷺鳩菌蕈思自小年椿靈自春秋  
列子御風行未及至人傳庖祝各有守君乎盍歸休  
姑射有神人大旱金石流惠子五石瓠慮之江湖浮  
傍徨於廣漠勿令若犛牛

今者吾喪我天籟自為鳴是非空無窮道一無毀成  
惡乎可不可不見蓬與楹滑疑無所圓此之謂以明  
我若同異間相知不相能夢覺却是夢人德徒為爭  
物化與天倪原來是兩行

為善無近名緣督以為經所見無全牛提刀看庖丁  
學道得其技官止神欲行所以十九年刀刃若新研



右師天使獨文軒何必驚寧為帝懸解勿為遁天刑  
所以老聃死秦失不用情澤雉百步飲不願畜樊繫  
薪窮火不盡有涯信吾生

榕坡僧舍感秋次韻 有序

明朱梧

潯陽紫極宮李太白有感秋之作蘇東坡黃山谷和  
之年四十有九劉後村五十九又和之予今年三十  
有九矣解組歸來聽竹感秋而吾里榕坡僧舍新成

次韻言志

倏尔悲素秋西風動林竹齋割露葵根茗煮清泉掬  
天邊葉落多月下僧歸獨長松籠野烟上有孤鶴宿

妙香坐始聞茅屋築初卜三十有九秋塵駕果已後

閉居薄榮名安步遠傾覆何事陟華嵩來徃天機熟

涉園

明朱梧

金鑣枉仗庶幽人宜深谷胡為城邑居朝夕窘拮束  
莫非避時艱曾是厭適軸左右散圖書日盱理櫛沐  
荷鋤別嘉蔬挿援護萌藥秋岑簪北墟三島瘦劉削  
緬眺濯塵襟如在西山曲逃虛嗟何其悵望青松整

詠召平

史記項羽蕭何齊悼惠王傳載平首尾俱備云明朱梧

羸劉方草昧鼎士獨豪雄卷身茅簷下隱約如蟄蟲  
一朝起雲雨飄灑雙蛟龍借問此何誰東陵貧病翁



清源文獻 卷之二  
簪笏謝寵耀種瓜青門東晦跡豈徒已矯發拔山公  
渡江八千劍暴秦掃地空因為鄴侯客緩頰開神聰  
銜戢辭封衛私財佐刀弓猜主失道醢白日嗟冥鴻  
匪無濟時策累足未央宮相齊一失斷致命若旋蓬  
忼慨靡攸吝億變皆玄同飈輪無轍軌萬古欽英風  
贈王遵巖 明朱梧

夫子骨柴然五嶽置方寸巨筆如長杠濁世持清論  
尋字賓客多制作流傳困何當附南鵬扶搖上九萬  
水亭行樂 明王國相

至人發天則駕言入玄關香靄集靈藥乃在水亭  
采采不盈握將以駐朱顏一杯收玉露服之意自  
行行欲辟引恍爾在商山沈冥違世久終當餌八還  
訪道安期生輕身出塵寰

幽真

明莊應禎

深谷有幽人守真以終老結屋倚山阿扶筇立晴昊  
石眠起白雲塘夢迴青草落花滿庭除開門任風掃

詠懷詩二首

明李績

我昔遊京國貴盛侈王侯甲第列雕甍朱輪騁驂騑  
一朝失權勢府寞若荒丘人生貴適志蓬蒿焉足羞  
滄海渺一粟天地寄浮蟉吾年過半百對酒且淹留



北隱入小山，叢桂泐幽室。谷深芳自飄，磴絕雲共匿。  
時與八公遊，冥搜玄秘術。綠崖採紫芝，依洞吹玉律。  
沆瀣養天真，清虛凝太乙。逸駕不可攀，鸞鶴等其匹。

擬古四首

明鄭一龍

人世風中燭，脩短無定期。百齡猶瞬息，而况復差池。  
君看北邙墳，累累知是誰。昔日墳中人，曾懷千歲思。  
一朝歸此宅，樵歌付童兒。牛山何足淚，雍門有餘悲。  
達哉漆園叟，放浪脫塵羈。

竊駕本為母，餘桃亦食君。一事情非異，忠罪須史分。  
古來妾命薄，事主不長忻。合歡掌上珠，失意領頭雲。  
金屋閉阿嬌，琴臺傷卓文。雖獻長門賦，君心苦不聞。  
翟公罷廷尉，門外設雀羅。他日懷舊組，賓客從前多。  
物情古如此，吾意今柰何。聞之古大賢，風雅激頽波。  
臺官不識面，相府無經過。斯人不可見，古道付江河。  
皎皎雲間鶴，清標殊快意。如何入衛都，乘軒致寇至。  
國人不愛甲，拍翟公相詈。惜哉瑤池姿，空為濁世累。  
始知朝陽鳳，遐舉不可致。

再至石城紀遊

明史朝宜

窮冬寒氣肅，曠野饒悲風。客子何好遊，薄遊扶桑東。  
修門去萬里，關山阻以重。三日怯風水，十日遲蛟龍。



行逢賢達士青蒿倚長松客衣蒼梧葉旅食羅浮鐘  
去國心彌壯懷家夢未通何以發心胸遠水天濛濛  
何以躡高步石蹬摩蒼穹有時忽寓目僊衣雜鹿瞳  
身隨溘埃近心與鳥魚同白社憶陶叟青山憐謝公  
當其尋幽興豈惜馬蹄窮返看南枝鳥廻翔息故叢  
衆鳥各有托餘生如轉蓬翟絲悲赤黑朱路泣西東  
滄波堪垂釣兔苑學明農不知他日別又向何山逢

感時 三首

明黃克晦

繁霜凋草木谿谷正悽惻玄冥慘不舒改歲固云逼  
收豎念牛羊原燎夜輝赫罍師不慮餘辛苦為竭澤

萬物各有因盛衰迭今昔寧見武安門猶內魏其家  
明月不持滿死魄復生輝江湖自有岸汎濫徒爾為  
窮冬百泉壅斜徑入枯池蛟蜃且不容鱸鮓何足悲  
臣道惡太盈時去寡所宜周公抱慊慊千古享巍巍  
獻春氣候嘉百卉懷春陽直木霜霰餘故根猶未傷  
枝枝發翠彩華華揚芬芳崇蘭樹九畹欲致江路長  
寄書與勾芒雨露宜慎將毋令棘蒺藜依舊生道傍

江行雜詠 二首

明黃克晦

江風來自北弭棹江水南白浪聒不息游氣昏空潭  
曠野何蒼蒼引步隨幽探鹿鳴求其牡豐草非所甘



江燕啄不食念雛聲喃喃物性固如此游子何以堪  
渴飲江中水寧知江水渾停杯久不飲舉杯泥自翻  
嗟彼百道流其出皆清源魚龍下噉嚼風波無定端  
古人忍饑渴旨矣非空言

江行雜詠

二首

明黃克晦

入舟日方出搖搖何所之江黃多山水雲雨來無時  
嘉樹生江涯花葉何離離同袍悵以違俛仰能不思  
豈無舟中人彼樂各有為水鳥乃無機不馴亦不飛  
田夫探雉巢歸如寄伏雌雞雉各為雛子母何能知  
羽毛日以異行止漸相離朝啄堦下食暮棲庭樹枝  
暖風搖春水百草含葳蕤格格出踈籬去去何由追  
豈忘主人慈雉性自好飛丈夫遊四海家雞空爾為  
上巳日符離道中懷社中諸君子

明黃克晦

客行忘日月所占晴與陰驅車渡睢水垂柳鳴春禽  
借問此何時靈辰感客心洗爵俯清流有酒不能斟  
我家滄海曲勝士森如林雖非蘭亭集亦足視古今  
浮觴發幽情雅詠揚清音懷哉道里遙素涕沾衣襟

宿汶上縣

明黃克晦

飄蓬無時休征馬不遑捲北地春已深汶水流如綫



魯邦雖未遙望望隔苑舊下車出垂楊步履入芳甸  
訪古豈不勞懷賢有餘瞻殷勤問行人何處為費縣

太平宮得日字

明黃克晦

江水歛曙烟林葉耀朝日晴峰眩自竒陰崖窅如失  
洞府何沉深磴道紆復直鐘閣遺層標蘿甃森蒙密  
上為歸鳥巢下作兔窟臺殿儼依然雷風過仙暉  
玄探天地根白瞰神明室星房閬古苔靈草披霧術  
顧慚土木骸再對龍鳳質歲月何詎央屢變軒轅律  
一攬珠樹華十隕懸霜實新權寧久稽故跡尚餘恤  
臨發復徘徊所懷不但一

出燕都舟行有述奉寄黃鳴周太史

明黃克晦

寶不自輝川岳含餘絢君子道自高謙謙若無羨  
昔余結遠軌流觀歷皇甸君亦獵華纓載筆麒麟殿  
春雪睨未消握手欣相見興文或余思臨觴每留眷  
宛在故山中玄風澹相扇古人豈不云在貴不忘賤  
夢游武當山懷鄖陽江使君 明黃克晦

祝融奠朱方千古稱五嶽胡不以泰山并列而為六  
夜夢登其巔游氣承我足千峰歷險巖如車走平陸  
上為帝者居星辰纏其麓崢嶸羽人宮叅差遍巖谷



中有不死人終歲茹草木授我鳥跡書奇字不可讀  
徑欲就君明君方縻好祿雞鳴月復入惋嘆淚相續

閩中十子詠

明黃克晦

十子洪永間詩人徐觀察公子與搜求遺稿刻之且  
謂馬用昭曰當令黃孔昭人詠一詩君繼之余是行  
留閩中久遂賦如左

林員外鴻

鴻字子羽福清人

高廟時以人才薦

授膳部員外郎

帝臨軒試龍池春曉

孤雁二詩一日名動京師已自免歸浦金

人源自晉陵以詩來謁鴻使門生二玄見

之讀所為詩驚嘆曰此我家詩也鴻因避

所居舍之源名日益重云

皇聰審希音臣籥南以雅員外身遭逢百代一王者  
龍池名自高孤雁和念寡同聲來遠方至樂伊誰假

陳山人亮

亮字景明長樂人故元儒生也

二祖

皇帝累詔不出曰唐堯在上下有箕穎吾

授迄明時游戲泉石間足矣因作讀陳搏

傳詩以見志



陳君巖壑性屢薦心不驚離形誠畏影愛道非近名  
棲山恣流覽酌水臨深清巢許旣云邁素尚誰為明

高翰林廷禮

廷禮初名棟字彥恢自稱漫士長樂人也  
嘗采唐三百年詩為品彙為拾遺為正聲  
文皇帝召翰林待詔遷典籍又善畫號二  
絕云

漫士識鑿洞深秉寄刪述輪扁雖不傳郢人固其質  
石渠獵華纓天祿垂巨筆圖畫胡沾沾顧陸亦儔匹

王翰林恭

恭字安中閩縣人環閩皆山樵家貧嘗  
樵群山中自號皆山樵者 文廟時以

儒士薦修永樂大典強起至京師年六十  
餘老矣同郡王侂戲謂恭曰君無以會稽  
章綬故來耶恭答曰山中斧柯幸自無恙  
大典成試詩高第授翰林典籍

凌凌皆山樵雅志在林藪室有老萊妻豈羨會稽綬  
徵書雲竇光著作醇儒富黃髮賦歸來斧柯無恙不

唐憲副恭

恭字亨仲閩縣人少善聲詩洪武中第進



士官終陝西憲副

亭仲懷夙穎誦言穆如風三策承明廬聲華傾桂宮  
立臬表吳會轉轂向關中雖非據津要清芬猶無窮

鄭助教定

定字孟宣閩縣人善擊劔工古篆隸書陳  
友定辟為記室友定敗亡交廣間已入長  
樂居之 高廟末年徵為齊府紀善遷

國子助教

孟宣精劔術閩帥資帷帳亡虜跡自深吟苦神逾王  
天地解網羅郡國屬人望崢嶸博士堂允嗣真儒響

王太史倂

倂字孟敷永福人故西方人也父翰為元  
潮州路總管 高皇帝聞其賢詔起之

翰自刎死倂方九歲翰友吳海撫之洪武  
癸卯舉於鄉 文廟時薦授翰林檢討

進講經筵為大典總裁英國公張輔征交  
趾表為護行已以言事坐解縉黨逮繫死

孟敷好奇節文藻固天縱既削石渠草遂磬交南轡  
知稽偶自深黨儉將毋衆吐論何翩翩自誅亦堪慟

王太史褒



褒字中美閩縣人也少有詩名以明經貢  
入成均遷永豐尹永樂初以文學表修  
高廟實錄擢為翰林修撰大典摠裁官

中美良史才制作固其會混沌判華夷微細起豐沛  
續馬亶有光追班亦云最風雅紬繹思濃縟七畧外

周祠部玄

玄字微之閩縣人師事子羽永樂中以文  
學徵為祠部尚書郎所著揭天謠諸篇似  
長吉云

微之雖恠竒師門類如畫龍鬼闕莫窺風雷動豈

越隴誰移文為郎竟執戟逢迎浦舍人能辯巴山色

黃司訓玄

玄字玄之候官人其初將樂人子羽為將  
樂學官雅所器重及子羽棄官歸玄之挈  
妻子入閩中終身師事之已以貢入成均  
授泉州學訓導

玄之別劍潭浮家入閩中終身守師說侯芭頗與同  
抗節邈難攀樂志忘道窮入官首已白歌詠猶自雄

泉中五子詩

明黃克晦

五子者質含珪璋道懋無濟於場屋餘力工古文辭



雖抱璧握珠情或異致至其凝神入化妙合一揆茲  
後先赴春官各賦一詩以贈

### 何齊孝

大何敬祖列特達抱璵璠學禮匪為容聞詩訓已惇  
盛時富制作浩蕩窮詞源摘筆思泉湧烟虹俄吐吞  
抗交合千古神賞胡然存客表多才譽主申有道言  
調高無和者清風播弟昆伯也既龍躍仲氏亦鳳軒  
何穉孝

小何夙秀發天日開清真矯志既云邈邁德難為鄰  
聲起絕響詞苑輝青春頰首謝儔輩仰首稱先民  
千言不俄頃逼迫氣益振海運圖莫測風御非常輪  
別我向何適厲劍當秋旻萬古寄一息懷哉君所臻

### 莊中益

中益三世資師友不出戶把筆當群豪志若無千古  
睥睨咤唾間四坐迸風雨怒翼雖未搏逸足已絕土  
王佐凌鶴鶴節俠傲鸚鵡北上今何其爽氣薄高宇  
石渠伯氏宮吹埴坐相詡行天攀文螭步岡倚嗥虎

### 李世禎

李生有父風弱冠屈先輩清冰積玉壺皎潔無內外  
復似蕙蘭枝芳芬振瑤佩盤礴作者場白眼視大塊



萬竅忽怒號春雲恣變態自當一代雄未論千人廢  
如彼江漢流百水居然滙舉世相顧言徒豔大廷對

楊惟彥

惟彥鼎鉉器雅志在墳典深心淵水涵風義高雲緬  
神生戰勝餘道進斲輪扁準聖雖未能尚玄意非淺  
倉皇造字臺鳥獸跡豈珍藻思寄柔翰彩色麗虛繭  
孰是豪俊人而不勞屢勉茲行益輝光望慕何由展

秋漲

明蕭騰鳳

百川正灌河兩岸失故道我讀秋水篇還問南華老  
河能笑海若以管窺穹昊海若譏河伯未見其浩浩

變桑田時滄海亦行潦小大寧足論忘言何不可

嚴瀨代嚴先生自述

明蕭騰鳳

田田西京亂於此托節茨蒨茨誠有托與世偶相違  
大德已重光漢使徒驅馳野心本疎懶遂老桐江湄  
夫人各有志敢傲萬乘為

鄱湖呈顏別駕範卿

明蕭騰鳳

汎汎鄱湖水桂楫木蘭舟舟中念儔侶興至神與遊  
風濤豈不險而我正乘流匡廬一何高雲深山復幽  
山中有仙人茫渺固難求所貴及當年安能俟白頭

感懷二首

明周訓



紅日出東海倏忽逝崦嵫明月皎夜光須臾亦復虧  
天運且如此人事安足悲生年即滿百行樂當及時  
蕩滌千歲情營營欲何為游子工行役起問夜何其  
忼慨私自憐風塵薄我肌紅顏別里巷老至不自知  
故人俱白頭把臂涕交頤斗酒相勞苦問我歸何遲  
俛首不能答但賦白駒詩斯時夏黃公商山方採芝  
登高望八紘未有不死身青塚滿四野見之傷我神  
茫茫宇宙間紛何賤與貧鴻鵠摩蒼天萬里一浮雲  
鷦鼠世所捐鴟鴞乃見嗔淮陰建奇功千載成埃塵  
所以顏氏子鑿坏止避人所以郊犧牛顛為狐與豚

別黃對茲謫維揚離判

明莊履朋

之子懷漆室自托朝葵根炎旭照衷腸欲排高天關  
靈威固難測聊以答殊恩長沙睽太息一一憂時論  
豈彼皦皦者無關所司存啣命寄卑棲邈焉廣陵門  
秋風渡黃河落葉颭平原慷慨別高誼望慕蕩心魂  
蓋車非所伏驥足終騰奔勉矣加飡食孤忠亮至尊  
詩七言古

鴻門醺

唐王穀

寰海沸兮爭戰苦風雲愁兮會龍虎四百年漢欲開  
基項莊一劍何虛舞殊不知人心去暴秦天意歸真



主項王足底踏漢土席上相看渾未悟

後魏行

唐王穀

力微皇帝謗天嗣太武凶殘人所畏一朝拈辮飛上天子孫盡作河魚餌

暑日題道邊樹

唐王穀

火輪迸焰燒長空浮埃撲面愁濛濛羸僮走馬喘不進忽逢碧樹含清風清風留我移時住滿地濃陰纔前去却嘆人無及物功不似團團道邊樹

虞美人草歌

宋曾慥

鴻門玉斗紛如雪十萬降兵夜流血咸陽宮殿三月

紅霸業已隨煙燼滅剛強必死仁義王陰陵失道

夫亡英雄本學萬人敵何用屑屑悲紅粧三軍散盡  
旌旗倒玉帳佳人坐中老香魂夜逐劍光飛清血化  
為原上草芳心寂寞寄寒枝舊曲聞來似歛眉哀怨  
徘徊愁不語恰如初聽楚歌時滔滔逝水流今古楚  
漢興亡兩丘土當年遺事總成空慷慨尊前為誰舞

天開巖

宋王獻臣

小石大石皆羅列造化安排非力設覆者如軒深者  
洞方者如屏平者席可以安尊壘可以橫琴瑟天邊  
為兔眼前飛海上波瀾掌中白



羅浮山

宋傅烈

洪水未必能流山別島安能居人間扶桑夜半光吐  
焰洞龍白晝飛塵寰初聞其事驚且異傳言豈或流  
於蠻貊將圖牒為考訂山中記載皆班班扶藜喜作  
山中行勝處不復悲天慳樓臺自是人隔絕峰岫直  
與天回環憑虛搜冥一眺望日觀朱明兩相向乃知  
雲浮山更浮二山總在三山上從來凡眼不見識怪  
怪奇奇千萬狀我擬靈竇皆國寶不待山人劉三匠  
丹崖佛迹直末耳天筆名山世基仗干戈昔日聞馬  
尾有壇百尺那能開坐山一笑失道士國勢隨滅如

烟煖清朝祀典歲歲舉慶基福地源源來願  
比南山歌詩直紀山之隈

羅浮朱明洞

宋王胄

傳聞此山分蓬島錦繡青霞疊相向飛雲通天兩絕  
奇更出上界三峯上凌兢汗漫不可得倩誰圖畫丹  
青狀朝真學道走俗子紀實留題出宗匠何當步虛  
躡太微森列金庭五雲仗祇園琳宇山崔嵬鬱葱佳  
氣天容開回頭却立睨人境渺渺瘴霧驅氛埃非惟  
此地相應領嘆我為爾胡為來他年欲訪經行處請  
看姓字鏡巖隈



羅浮朱明洞

宋留元宗

神仙神山羅與浮浮山東來幾千秋蓬萊夜半失左  
股龍驚虎噉玉女愁至今兩山翠欲滴却與蓬萊比  
山色黃金作橋通九霄水晶為簾掛千尺神仙舊說  
何渺茫神仙窟宅今可望仙翁在山泉水香仙翁飛  
空松風長我將洗手扣玉戶乞杯長生九霞漿幽人  
曉來參羽翮直上峰頭看日出鷄鳴五夜見金晶惜  
有此景無此筆小臣不敢作奇觀皇帝萬壽如此日

七歌

宋立葵

豐美元年北人至撒花初令豪家備誑梯禍亂敷我  
民敲朴日煩無處避富者有銀猶可敷貧者無銀  
田地嗚呼一歌兮歌已哀天日不見惟陰霾

三宮北狩何時返猿啼鬼哭塵沙遠李陵耶律甘匪  
人豈無蔡琰吹胡管江南江北骨成山箭簇紛紛劍  
痕滿嗚呼二歌兮歌未休潜然出涕滂沱流

山林嘯聚繁有徒州家買靜勤招呼縣官被命不敢  
遜麒麟出幙羣狐孤昨者參州紅帕首高官厚祿恣  
狂圖嗚呼三歌兮歌三發天翻地覆網常滅

督府養兵如養子帛堆其家粟崇庾少不如意出怨  
言恃功偃蹇驕其主道旁老叟哭告予未被賊苦被



軍苦嗚呼四歌兮歌始宣悲風為我吹塵寰  
富兒諧了西園價身著綠衣足誇詫那知又有價高  
人昨日新官今又罷近來書滿只月餘白頭老吏慵  
送迓嗚呼五歌兮歌未足末世由來多反覆  
十家九室厨無煙兒夫仆後妻偃前米珠薪桂肉如  
玉野無青草飛鳥鳶手持空拳向何許官司有印儂  
無錢嗚呼六歌兮歌愈悲天下太平竟何時  
我生不辰逢亂離四方蹙蹙何所之欲登山兮有虎  
豹欲入海兮有蛟螭歸來歸來磨甿堅母與蛟鬪兮  
毒克虎飢嗚呼七歌兮歌曲罷猿啼清晝蟲鳴夜

別友

元王翰

在潮陽我欲死宗祀如絲我無子彼時我死作忠  
臣覆宗絕嗣良可恥今日徵書忽到門丁男屋下三  
人存寸刃在手固不惜一死了却君親恩

為趙敬叔賦漢海獸蒲桃鏡 元陳旅

尚方老冶收精銅金膏玉髓開腫癰未央曉月低青  
銅六宮秋井生芙蓉當塗妖鬼負神器銅人登車數  
行淚空奩偶落長安市來與人間照珠翠凝陰室祭  
江心龍海兩夜入閩王宮一朝愁殺滌上翁破屋日  
夜穿晴虹西苑野露堪作酒中有駒駝活欲走趙侯



得之莫失手龍女蛟童候之久蓋鄭夾添家故物也

和詹生春雨寒歌

元釋大圭

十日春九日雨空屋貯寒寒色苦曉雪都成陌上泥  
暮雲不見城東樹所思今何處相去纔幾許獨將寸  
心寄短琴琴老無絃暗塵土東風吹落錦一幅文章  
字字成金玉中有苦寒詞調古聲更悲賡歌我不忍  
上訴蒼蒼知俗眼瞳人久生脂競收瑣尾遺瑰竒野  
禽乘軒士徒步黃土被繡人無衣天公有意回春輿  
千林一夜生紅綠長年呻吟卧掩門人生不解同草  
木君勿歌春雨寒我有兩耳愁心百盤爐空葉已灰

屢瀟苔生椽簷聲夜夜春水懸人間惟我與子同此  
味鬢髮未白書如山春雨寒歌一闕窮遠在天愁不  
得當時短衣夜半悲飯牛何如學取商頌聲金石

次韻陳隲民惜春

元釋大圭

金尊瀉酒胡琴語白日長看華在樹東風一夜來戲  
人老紅飛盡江南雨勸君莫苦愛流芳紅顏百歲終  
黃土山人眼底不見春古檜陰陰翠虬舞

出無車

元釋大圭

出門便有路路與天長盡何處今日出門去不去去  
時喫苦不得住繭生脚背汗雨流草鞋穿破脚不差



大砂小刺踏入肉疼痛連心眉摠感前村落日孤起  
煙客子苦飢還問宿歸來資用無一存大悔三月不  
出門白面年少命運好連鑣結駟隘衢道肯信無車  
一生老

夜間水車

元釋大圭

旱火秋蒸土山熱新苗立死田寸裂西風何處送鳴  
鳴一夜水車啼不歇水車身作水中龍赤脚蹋龍憐  
老翁白水田頭月未落千畦萬畦雲雨同流蘇醉卧  
誰家子有耳不聞汝啼苦水龍水龍汝勿苦及物無  
功得如汝

築城曲

元釋大圭

築城築城胡為哉使君日夜憂賊來賊來猶隔三百  
里長驅南下無一畦吏胥督役星火催萬梓哀哀亘  
雲起賊來不來城且成城下人語連哭聲官言有錢  
顧汝築錢出自我無聊生收取人心養民力萬一猶  
能嘗盜賊不然共守城者誰解體一朝救何得吾聞  
金湯生既樞為國不在城有無君不見泉州閉門不  
納宋天子當時有城乃如此

僧兵守城行

元釋大圭

僧為兵守城郭不知此謀誰所作但言官以為盜



防盜在深山，嘯聚薄朝朝。上城候點兵，群操長竿立。  
槍槊相看摩，頭一驚。嘆竹作堦，鑿殊不惡。平生獨抱  
我家法，不殺為律。以自縛，卿知今日墮卒伍，使守使  
攻。受官約，謂僧非僧。兵非兵，未聞官以兵為謔。一臨  
倉卒，將何如。盜不來時，猶綽綽。敵人日夜狙我城，示  
以假兵無乃弱。我官自有兵，與民願放諸僧。卧雲壑

有事居庸關

元盧琦

居庸關天蒼蒼，關南多暑關北涼。天門曉開虎豹卧，  
石鼓奮擊雲雷張。關門鑄鉄半空倚，古來幾度壯士  
死。草根白骨棄不收，冷風悲雨哭山鬼。道傍老翁入

十餘短衣白髮扶犁鋤，路人立馬問前事。猶憶  
言丘墟夜來鋤，豆得戈鉄雨蝕風吹失顏色。鉄星尚  
帶土花濕，猶是將軍戰時血。前年又復鉄作門，貔貅  
萬竈如雲屯。生存有功推玉印，死者誰復招孤魂。居  
庸關何崢嶸，上天何不呼五丁。塹之海外休甲兵，男  
畊女織天下平。千春萬古無戰爭

壺山真淨巖歌

元盧琦

六月翠壺山下客，凌晨登山逾絕壁。支筇徑上真淨  
巖，頭上青天纔咫尺。高僧十載棲巖幽，啓扉相見還  
相留。欣然坐我斗室底，滿室嵐氣生清秋。開窓一覽



數千里蒼海微茫等杯水客帆來往烟雨中人家遠  
近林巒秉平生讀書苦不多時事如此將柰何蠅頭  
蝸角付一咲會當結屋山之阿

送塗二尹任滿之京

明郭居賢

我來塗水兩餘月盈耳絃歌聲不絕陳侯佐政及瓜  
期收拾琴書赴丹闕客中送客情更多挽舟不住將  
柰何寒衣慷慨為君舞停杯激烈為君歌蘆花兩岸  
秋風早水色連天淨如掃采石江頭酒正香小孤山  
下月偏好丈夫生世當有為方今四海皆雍熙知君  
此去五雲表三年美政敷瑤墀奏對天顏應咫尺考

績天官期第一大施經濟慰蒼生安得區區塗川邑

瞻雲為戶部蔡主事賦

明楊曜宗

端明學士賢孫子佐理司徒聲價美寸心捧日掛穹  
隆千里看雲念桑梓雲飛有盡天無邊三時望斷心  
旌懸瑞氣時隨鍾阜雨輕陰遙帶羅浮烟親顏不可  
見親舍邈何許倚門正在白雲間身欲隨雲心獨苦  
君不見望雲昔有狄懷英至今勲業鍾鼎銘太行極  
目一時事知尔千年紹令名

谿山秋霽圖

明何祐

溪頭初收夜來雨萬里雲銷豁天宇天際群峰列翠



屏遠近秋容淨若洗蒼松落落覆蒼苔榕下草堂窓  
戶開水亭面面波微靜共坐雄談忘晝永溪中鷗度  
鏡光寒島外雀歸林未暝自是溪山景趣多歲月如  
流柰老何何日問竒楊子宅相與幽人載酒過  
謁厓山慈元殿故基  
明趙瑤

胡運當興宋運否龍舟泛海依涯涘慈元草創面南  
山間關不廢君臣禮荒基蕪沒斷烟中滄海悠悠恨  
不窮獨奠一觴深飲泣黍離歌罷起悲風  
送林子賁歸漳  
明王宣

平月昏凝秋雨微翔風卷沙塞鴈飛與子別離當  
握手無言涕自垂蒼梧帝子不可見羅浮仙人  
奕棋玉樹瓊枝君愛惜天寒莫遣長風吹

越南行贈郭茂齋憲副

明丘養浩

紀閩中庚寅正月之變也方伯查公約叅議  
楊公瑀都指揮王君翱皆及於難

越南正月陰風起簸蕩三山立海水猛蛟突獸脫桁  
揚雷轟霆擊不掩耳盤空殷地翻刀戟市子公徒具  
群易六街九陌塵霧黃紫薇長松雙遭劈於王將軍  
武且豪擊賊不死死死賊刀髑髏血射愁雲高淒風慘  
日木怒號郭公劍氣瑩雪濤寶鞘玉弭潤鷄膏仗劍



橫槊出門去眼中颺颺空秋毫飛符挿羽聯偏伍伐  
鼓樹旄申甲弩驅兵北嶺雨正霏馳檄連江月當午  
連江備急賊氣折公也謀謨神機發猛士摧山勢可  
呼冥鯨徙海還遭掣鯨吞鼉作會幾時風驅電掃隨  
漚滅郭公功多不自說快馬輕裘照雲月賊頭累累  
擁前驅凱旆悠悠向城闕城中達官金鼓迎壺漿士  
女遠旗旌書生頓樹汗馬伐丈夫終標麟閣名麟閣  
懸知傅子儀黻冕行看賜喬卿君不見遼海頭遼水  
東西塞蚩尤債軍覆將古城下黃蒿白骨聲啾啾安  
得經畧如公者藩維邊鎮敷壯猷坐令豺虎騰逃白

日郊原麟鳳遊

功德寺

明王慎中

我昔已聞功德寺山遊日暮行始至舊栽松栢森成  
行庭空寥戾鶴孤唳魏碑古趺苔半封上有金鐫護  
勅字巖巒長圍龍虎宮棟宇猶帶金銀氣老僧告我  
昔年事令我感歎長欷歔

宣宗昔日盛行遊四

海晏然邊塵收鑿嵌構宇俯喬嶽穿池引水開滄流  
慈雲覆頂翔赤鳳靈山繞勢蟠青虬萬乘時來過雷  
電郊原旖旎閃黃旂御前一侍玉女鳴璫曳珮凌  
清秋危閣感沓象緯迫長廊丹碧辰星留綺繡參錯



清源文獻 卷之二 四七  
開荷芰華芝翠葆翼龍舟汾水具茨存至理國有元  
老翊皇猷鼎湖龍去已茫然此地即看餘百年輦路  
淒迷芊草合御堤曲圯狀波濺梧月落梁淨梵色松  
風撼戶韻清絃吁嗟陵谷湏臾改何況世事多變遷  
君不見素旗颺颺下靈車神來應與群帝俱玉殿金  
燈夜有無

過彭城作

明王慎中

阨靡郊原極望平踟躕立馬客心驚踈墩蕪沒項王  
國煙草棲迷亞父城春去秋來經幾度霸業雄圖不  
可觀臺在已無戲馬人淮流猶記敗軍處高陵深谷  
在翻覆世事回還難定測昔日東歸着錦衣令人但  
見蒿棘蕭壘陰陰苦霧封桓山烈烈動悲風英雄  
百戰終歸盡轉覺身名祗夢中

觀詹範川大書歌

明王慎中

簪僕清晨登我堂手携大軸墨淋浪直木屈鐵相撐  
柱展舒未畢神開張猛獸崢嶸龍爪利左擎右攫忽  
復翔一波如拳勒盈尺豎戈擊趨掣電光瑠瑰側坐  
金斜鑿銳鋒斫劍星耀芒華嵩擲石壓虎窟衡霍興  
雲起蛟鄉宵雪紛披驚變態一手真看百體藏始知  
曾含山海氣鬱勃憤盈不可當細書瑣屑何由泄故



作大畫森橫床激射幽陰竦毛髮妍姿宛轉迴春陽  
想見迴腕乍伸縮墨池驟涸筆行枉看君筆勢有如  
此前掩崔杜後張王數仞高墻連幅縑素不足滿君  
之塗洒宜治磨崖千丈壁立摩穹蒼

病中同年江于春見訪喜而有感

明王慎中

蒙翳城西關一室主人况復長衰疾商歌欲出聲不  
任曳踵將行脛無力賓位坐使苔蘚侵阼階漸向蓬  
蒿沒兒扶蹠蹠為爾興知爾元非車馬客我今已見  
如翁怪爾猶能鬢似漆朽廢本令顏色醜光輝應

為意氣得告言數歲滯風塵躡足低頭常僂側青豔  
引衡鹽滿箱雕鷹在籠鍛六翮手板遠巡效趨走壯  
志摧藏誰復識清濁未容與世昏見人每露眼中白  
時事蒼茫心死灰胡為錯驚毛髮黑爾遭困頓不自  
煎內韃外韍形體澤我病雖憊神來守俗目徒看柴  
骨瘠微爾何由覩德機豈謂泥塗皆棄物大樽浮湖  
亦有用枋榆飛鷄真堪適投杖逍遙遂縱歌主人不  
病何須策

飲中醉歌題贈李東甲

明王慎中

東甲先生愛靜便辭官正及未衰年忘機不睹圍碁



野好飲多開種木田每誇妙得閑中坐更詫無如醉  
後眠子夜絃歌娛客地一春風雨養花天紅英漸委  
蒼苔上白髮來侵絲鬢邊世態無端爭夢裡人生何  
事勝樽前

康山忠臣廟歌

明陳彬

元運晦冥將向朔群雄紛紛逐秦鹿長江天塹有番  
湖真主廟筭爭先着先着黥敵拒者誰偽漢陳氏孺  
渠魁大戰不休五晝夜千艘萬舳敢如雷兵家勝敗  
本難測怪風衝舟敵圍棘帝王從來自真忠良誓  
志敢惜身着袍赴水啓韓成賊衆驚疑不敢凌執戈

苦戰丁普郎頭落立舟不仆僵自餘諸臣皆奮戰三  
十六人頸血濺蛟螭泣斷湖山昏鳥兔驚飛日月變  
忽然大憖亦就殲江漢載清水流沔一顧全吳席捲  
餘齊魯幽燕連迅雷建康形勝天下奇金陵鼎足安  
然真皇家大統百戰中總歸番湖一着筭康山立廟  
報功崇年年祭祀屬縣供紀信張巡如可作諸臣安  
肯拜下風我來攝祭瞻遺像猶似當年殺賊樣皇家  
恩澤雨露深香火千秋應無恙

晉江歌

明莊一俊

晉江之水跨天津相傳渡江東晉人時代淒涼數百



載風流往事懷悲辛光州固始亦陳迹偽王審知隨  
入閩祇今猶蒙東晉號衣冠後裔皆編氓我行晉江  
草水春垂釣鯨鯢坐隱淪上邈虛齋精理學下驅數  
子出風塵風塵數子才非一覽古懷賢淚沾臆李聰  
長史諫楚王一去長沙三嘆息陳琛提學養高名淺  
說通典刊無極清修諫議史于光笋江王立聲琅琅  
少年司農周天佐沉沙沒石何可當四賢寤寐豈後  
時百代風騷我得之一朝削去金門籍含悲嗚咽空  
尔為晉人避亂來江水今人遨遊江水湄虛齋千古  
不廢滅江水東流無盡期青天白日望三益衰草斷

楊歌五噫

安平行

明莊一俊

淒淒風雨安平行行人道路多哭聲哭聲何為在山  
水盜賊充斥紛連營暮春猶見落花下四月採桑盈  
四野一望飛塵南畝來滿目紅裙淚沾灑枕籍死者  
數百人亦有不死敗厥身高門失節汚迫脅立談不  
敢言縉紳縉紳家族陷寇逆丈夫束手猥無策千峰  
但說犬羊群十里翻為豺虎迹豺虎食人尚可逃倭  
奴雙手善鼓刀三軍魂魄既飛奪一時膏火相煎熬  
此曹大半起山谷動引倭奴掠草屋倭奴原是日本



人同生天壤非臣僕其徒剪髮相驩乎面目轉變在  
須臾中華何苦學夷狄學成往往相傾屠傾屠對面  
相決絕居人豈得稱明哲昔時接濟事交通今日反  
掌遭遁滅遁滅之禍首者誰千艘萬艘互蔽虧湖絲  
銅錢貿易千賊萬賊皆爾為爾為盜賊累官府東  
橋西橋無安土列郡良家盡從軍一縣人民半戎虜  
我聞安平初築城擬絕倭奴息盜兵數月經營尚未  
畢一朝白刃來縱橫首夏風光忽已幹交交黃鳥何  
暇暇本期民事聚農桑豈謂倭奴吹歌管歌管之聲  
醉酣我軍亦擬戰城南城北音書無往路城東  
我那能堪城西潰圍疾如水相望不敢射一天行陣  
翻居石井鄉平地如履安平市人言召募數千兵錦  
衣肉食相逢迎不聞漢朝一李廣以少擊衆飛將名  
只今倭奴纔四十其餘倭奴皆因襲我軍並無戰鬪  
情望風先走何嗟及太平日久忘戰爭何況諸將苦  
不征豪家藉此肆劫掠賊退入室更可驚古來所憂  
在盜賊未聞良民亦反側詰朝嘯聚出鄉村薄暮荷  
戈投落日落日倉皇海上歸孤城雞犬眼中稀攫金  
不論貧與富殺人寧知是耶非此地起家本商賈當  
年繁盛亦快覩邇來翻作麋鹿場十室九空一何苦



我欲貽書寄轅門盡掃倭奴順至尊但令民兵討盜  
賊自然叱咤清乾坤海濱丁壯多膂力嗜殺盜賊若  
飲食所求千金重犒師陷陣先登生羽翼軍中號令  
如太山豈無管樂出其間白日清源待節制青天佛  
國始開顏紛紛佛國亂無象蚩蚩黎民亟稱想閩海  
終然坐澄清妖氛誰擬空鞅掌諸將貪功非遠猷滅  
賊只欲為身謀五道出師無紀律主將自利在先侯  
人和既違多所失倭奴見之益驕疾此地喪師罪最  
浮我欲書之愧直筆直筆視我安平行况與石井相  
憑鳴轅門萬里知何處每對霜臺望神京神京霜臺  
兩遙遠四海蒼生少安飯此行若在神京中卧病丘  
壘甘不返

興化歌

明莊一俊

興化之歌那忍聞此歌聽之心膽焚興化郡城未陷  
時千門萬戶相因依林家九牧起唐代黃家數世半  
朝衣其餘列姓分爵祿市井塵肆倍芳菲一朝倭寇  
紛然至城門一開太輕易倭寇自智守臣癡詐作劉  
軍都督旗傳言天兵救汝急速開城門待我為城中  
日望劉軍來一聞救兵誼草萊開門數之六七十示  
以心腹無疑猜守臣置此防倭寇豈知倭寇此徒搆



分散城門列行營居民不敢問烽堠三更舉火為內  
應城上賊登若蹊徑家家歡喜且睡酣十呼萬呼猶  
不醒醒來已覺倭寇聲開門延敵始大驚守臣無勇  
不敢戰但得潛身逃遁行逃遁自喜更生恩孤身那  
與群盜爭侍郎都憲皆面縛殺戮無數不知名木蘭  
陂水本至清玉顏何處可投生倭夷醜類索汝急縱  
然死節難為明木蘭陂水在江波棄此不守將柰何  
孤城上下無救援縉紳日望空蹉跎此城被圍一月  
餘元戎堅壘福清居福清去此數十里海水通楫山  
通車不聞羽檄到福州三山兵甲亦當收不聞烽火

到泉州清源戍卒亦當求孤城圍久不能守萬姓慟  
哭詎能休城中玉帛且勿論城外骸骨如山丘聽信  
賊兵入城門守臣失策真愚昏達官貴人不敢沮沮  
者欲以軍法論此城文獻天下奇數萬生靈帝所知  
元戎重兵不肯救守臣議守空涕洟興化雖離九重  
遠頭目手足亦相資雖然莆兵多怯弱餘勇賈之豈  
徒與此時倭寇猶在城諸路曾無一救兵古來烽火  
有烽火遠近相屬紛相迎古來封疆決一死焉敢逃  
走負堅貞但信都督劉軍好詎知近來亦草草前軍  
得志飫膏梁後軍既醉已傾倒元戎不罪罪縉紳縉



紳殺戮是何人守臣不罪罪縉紳縉紳子女汚風塵  
我聞張許有完節睢陽死戰真汗血當日祿山百萬  
雄此寇小醜何足屑我聞真倭六百人其餘土賊易  
摧折莆陽豈無三千士驅之亦足當豪傑但擬招安  
為上策上下蒙蔽多柔舌憶昔此邦文物鄉大臣科  
道相翱翔尚書林俊有經濟國朝盡說龍鳳祥清脩  
給事鄭一鵬奏疏哀哀達明光苦節御史陳茂烈一  
介不取動君王數公地下俱含笑九原不起空徜徉  
興化已陷泉州危鄰封從此失藩籬唇齒終然相輔  
諫臣早疏入丹墀不救興化救泉州閩中列郡俱  
憂若使成風不戰守祇令萬姓負災尤喪師失律  
罪者誰棄城覆郡將何仇我願天心垂仁愛盡掃倭  
夷出邊塞勿屠興化城中人此邦原有封疆在我  
皇震怒發天兵命將出師那輕貸我望天兵遙作歌  
滿目荼毒誰肯過天兵連至如奔濤萬年一統靜山

河

硯匣歌 有序

明莊一俊

予在浙東與陸石樓石谿伯仲相友善石谿因贈此  
物既珍襲十餘年神物飛動若將有適予廼作歌以  
贈文君晚亭蓋楚至人也



我家硯匣浙水東贈我者誰石谿公石谿方伯蓄異  
物文章浙水生雄風兄弟一門稱二陸父子數世飛  
群鴻忽然提携來過我四明山色何夢夢自言此匣  
不易得倭人欲獻明光宮十年棄置明山側一朝神  
物精靈通中有一硯更竒絕白日紫氣凌青空雲雷  
咫尺不可辯烟雨往往來簾櫳須臾靜夜稍延坐又  
如秋色掃崆峒蒼茫明月忽遠出滿堂星斗光玲瓏  
陸家兄弟苦好竒少者石谿更甚之相見呼我神仙  
客吏民一郡來相催有時乘興忽揮灑萬言數語動  
新詩浙水歸來十餘春文房舊物老風塵相逢忽緝  
二千石知是方城漢水人方城漢水號晚亭千載悠  
悠叩六經原騷楚賦本奴僕殷盤周鼓作儀刑一日  
視郡來泉州洛陽永鎮滄江流神物所思在廊廟匹  
夫懷璧為愆尤硯乎硯乎上有白眼若光電已令驪  
龍守之徧匣中諸物隨指揮天下珠璣詎能先助君  
獻賦金馬門此時同上未央殿

長安道

明康朗

長安道上風瑟瑟紅塵入天馬蹄疾西街車騎如簇  
雲翩翩時傍禁城出聞道中元八月時太平天  
子萬壽期詔書戒日開金殿玉帛萬國同來儀九重



淵穆不可見東朝賜宴復賜餞微誠不及扣關門遙  
望高玄鬱葱舊歸來束帶更垂裾青雲府裏見尚書  
門吏傳呼如咤叱群公衣馬共趑趄吁嗟貧士羞俯  
頰束帛何曾謁權府黃金買笑嗤世人一言不合主  
者怒主者怒猛於虎貴賤賢愚何須數古來開閣重  
禮賢詎必令人棄如土君不見長安市上一巫生流  
落祗誦三元經驅雲舞霍來天上腰金曳綬為公卿  
一時王侯傾揖讓片言高下生辱榮嗟乎逢怒爾亦  
免千金奉道天為轉

洪石磯

明康朗

洪石磯晴日無風水亂飛石崖巉巖不可窺下有毒  
龍窟上有危樹枝磯頭峰高幾許雲不歸鳥不語青  
天一點蘸寒波古來惟有斷藤處

池上桑

明周天佐

天地不生桑誰人更看絲家家盡養蠶何處桑有枝  
池上幽人念桑折閑來坐愛綠陰移閨中少婦思羅  
綺夜半挑燈畏蠶饑二物俱在春風中自是人情各  
有私但得布衣長不厭條桑池上任離離

飲馬長城窟

明俞大猷

飲馬長城窟水寒傷馬骨主恩重似山有身誰肯恤



臣十有五着青衿十年稽古志何深慚將駢麗逐時  
好生民疾苦每屬心晚得明師虛舟老隱然自負圯  
上道此老閉門六十年考訂韜鈴內外篇上下古今  
三百戰列陣為圖闡其玄其中一陣卓千古韓信滅  
項數起五孔費將軍居左右樊噲將軍為前阻沛公  
居後信居中竒兵出入正為主臣少嘗學一人劍十  
盪十決無當沮竒正陰陽手足身以一敵一術如此  
返視老人韜鈴旨敵百萬人觸類耳年年西北動風  
塵賊入三晉荼赤子驅往驅來氣亦橫未聞向北發  
乘矢天子羽檄飛四埏願求壯士滅程羶臣世受恩

二百年臣身受恩又倍然古云主憂臣死辱君今若  
臣不如畜不勝犬馬戀主情昂昂欲擊吉囊頸壯士

良欽期不至藩國鄧城字相期未果行匹馬辭親向

長衢生人死別會日無西河之水流東河丈夫義重

水豈殊驅馳六月拜燕山三策藐說公卿間東市買

甲三千葉葉葉光明照體寒西市買馬高纏髮宛轉

絲鞚鐵鍛鞍正陽市上買寶刀摩沙三日神氣豪七

月直撞居庸去土木城中傷往事鴈門谷口戰場平

遼人戰金金人勝從今追吊皆陳迹更論誰敗與誰

成鎮朔相公兵部尚書坐錦韉狂臣抗禮相公前兵

成鎮朔相公兵部尚書坐錦韉狂臣抗禮相公前兵



弱營虛縱橫語相公聽之心竦然軍校朝臣軀幹小  
相公信臣腹中寬授臣銳武三千士彭彭車馬閱重  
邊西風八月渡河垂盱望朔方城巍巍套荒草長城  
空魏當時建議棄者誰二十四日駐平虜虜鏑飛鳴  
衝城堵嗟臣疾作還執弓躑躅上馬辛復苦東路將  
軍欲為馬革裹西路將軍欲為鐵鋤埋臣笑將軍見  
未大戰死腐肉烏食哉九月二十至威遠長城已改  
秦人板天暮道遙起寒色馬渴冰凝飲不得吁嗟飲  
馬長城窟水寒傷馬骨主恩重似山有身誰復恤十  
月征騎出長城煙火冲天燎草荆胡虜北遁數千里

露報明主虜患寧師凱相公問如何明年防秋術更  
佳非干虜強我兵弱責實練兵應破他有勇知方出  
征伐自是干戈中禮樂黃石此語流人間誰道神仙  
不留訣由今之兵無變法故事襲沿靡日月相公聽  
之復竦然方略相資意未輟忽膺寵命自天推錫臣  
分節守南陲盤桓志士感知已相公亦嘆今願違君  
恩許歸客滿庭不聞親娘喚兒聲子兒去時母猶健  
莫是思兒始病侵吁嗟吁嗟涕交零不為徐庶為王  
陵人生忠孝兩字慚何能慰母九原心泥蟠天飛應  
龍神先賤後貴和隋瓊烽火若通秦上谷九重羽書



更召臣老馬老農自有知庖祝耕織應專宜天地正  
氣人須稟不臨大節孰辨之去歲天涯今海濱水中  
萍梗漢中雲數竒颺颺功未就自許慷慨志猶存夏  
雪冬雷天地合志士滅賊心未絕何日掃清俺俗塵  
復當飲馬長城窟

脩園次蘇長公韻

明黃伯善

江上茅堂郭裏村種花蒔藥養詩魂豈知風雨苦相  
妬顛覆狂鶻迷朝昏畛畦漫作蝟蚱藪薜荔低摧菜  
薊園一春鳥語帶寒澁十番花信負暄溫天惜先生  
久樵悴陽官催喚扶桑暎度水晴雲將煖吹還人健  
氣滿柴門青軒晝寂鷓鴣舞翠箔風柔鸚鵡言料理  
蒼頭作胥靡脩垣築圃待秋樽

采桑行

明陳嘉猷

采桑復采桑大姑小姑親携筐三三兩兩古道傍今  
年桑葉好晝夜飼蠶蟲怕蠶老園麥青青田麥黃軋軋  
鳴車當戶繰車未停聲絲未分富家索債官家討阿  
母見之不敢言大姑憔悴小姑惱阿嫂語頻頻勸姑  
莫苦辛不見蠶食葉絲還人我姑只怨自家貧

春吟

明朱梧

春山有鳴琴春士吟好音正爾春吟時忽為二病侵



膝風難再拜齒痛口成啞一朝已無聊况乃久滯淫  
人生天地之過客玉體終當還至陰焉能如金石游  
戲清江潄脉脉為誰感悠悠傷我心

燈市逢觀海詩叔歌

明朱梧

單闕之歲當元正膝風瘍病杯未傾反閉柴荆束華  
髮三五無分星橋月青天自憫苦吟身禿痾肉骨沾  
陽春滿城簫鼓喧柳市隘陌士女摩珠輪室虛見白  
不忍睡尋常得酒因人醉天街浩蕩值嗣宗秀色英  
音潘裴類袂帷汗雨揔鷄鳧寡鶴橫空絕塵累溟海  
三登皇正懸蓬山妬月雲如漬妖童掩瑟王搔頭舞  
妓穿花金纏轡談詩高調畫攢眉問竒降意思交臂  
仰嘆千載竹林人徒遣春風勞夢寐

元正讀黃孔昭游廣詩

明朱梧

鸞斯榆蕭艾寧識鵬鴟大凌風搏擊上雲霄泰山渤  
海猶襟帶春風新入轉山嚶傾耳頰聽夢寐驚朦朧  
眩黼黻星星兩鬢盈黃生卓立黃初上突兀縱橫不  
可狀忽然懊惱隘寰區振羽羅浮覽溟漲鉄橋雪水  
漸行車簾洞朱明飛天花片片仙衣化蝴蝶人間再  
覩真南華較客馬人非郢質有如暗谷流白日夏虫  
不可語冰寒徒資章甫與玄端



海源文庫卷之二終





